

宋  
金  
元  
人  
詞

後村先生集

長短句一

哨遍

昔坡翁以盤谷序配歸去來詞然閨詞既該括入作韓序則未也暇日遊方氏龍山別墅試效

聲為之俾主人刻之巖石云

勝處可宮平處可田泉土尤甘美深禊深路絕住人稀有人兮盤旋於此送子歸是他隱居求志是要明主媒當世嗟此意誰論其言甚壯孔顏有遺旨大丈夫之被遇於時入則坐廟朝出則擁旌麾列屋名姬夾道武夫滿前才子噫有命存焉吾非惡此而逃之富貴人所欲如之何幸而致向茂樹堪休清泉可濯谷中別有閒天地況膾細於絲蕨甜似蜜采於山釣於水大丈夫不遇之所為唐處士依稀是吾師覺山林尊如朝市五侯門下賓客擾擾趨形勢

嗟盤之樂誰爭子所占斷千秋萬歲呼童秣馬更膏車便  
與君從此逝矣

六州歌頭

客贈壯丹

維摩病起兀坐等枯株清晨裏誰來問是文殊遣名姬奔  
盡羣花色浴才出醺初解千萬態嬌無力困相扶絕代佳  
人不入金張室却訪吾廬對茶鐺禪榻笑殺此翁臞珠髻  
金壺始消渠憶承平日繁華事脩成譜寫成圖奇絕甚  
歐公記蔡公書古來無一自京華隔問姚魏竟何如多應  
是彩雲却灰餘野鹿銜將花去休回首河洛邱墟漫傷春  
弔古夢繞漢唐都歌罷啼噓

水調歌頭

遊蒲澗追和崔菊坡韻

余頃為儀郡督郵白事維揚崔公銳欲羅致屬先  
受制置使李公之辟崔公始聘洪公舜俞入幕後

二十五年奉使嶺外拜公祠像俯仰今昔輒和公所作水調歌頭以寓悲慨云

勅使竟空反公不出梅關當年玉座記憶反席問平安羽扇尉佗城上野服仙遊閣下遼鶴幾時還賴有蜀耆舊健筆與書丹青袖士珠履客各凋殘四方威感靡騁獨此尚寬閒丞相祠堂何處太傅石碑墮淚木老瀑泉寒往者不可作置酒且登山

再喜歸

遣作嶺頭使似戍玉門關來時送者舉酒珍重視身安街畔小兒拍笑馬上是翁矍鑠頭與壁俱還何處得仙訣髮白頰猶丹屋茆破籬菊瘦架籤殘老夫自計甚審忙定不如聞客難揚雄落拓友笑玉良來往面汗背芒寒再拜謝不敏早晚乞還山

三

解印作

老子頗更事，打透利名關。百年擾擾於役，何異入槐安夢。  
裡偶然得意，醒後才堪發笑。蟻穴駕車還。恰佩南柯印，髻  
拂轂曾丹。客未散，日初暝，酒猶殘。向來幻境，安在回首  
總成閑。莫問浮雲起滅，且跨剛風，遊戲露冷玉簫寒。寄語  
抱朴子，候我石樓山。

又

八月上游解印  
別同官席上賦

半世慣岐路，不怕唱陽關。朝來印綬解去，今夕枕初安。莫  
是散場優孟，又似下棚傀儡，脫了戲衫還。老來事多忘，公  
莫笑師丹。筆端花，胸中錦，雨消殘。江湖水草空曠，何必  
養天閑。久苦諸君共事，更盡一盃別酒。風露夜深寒。回首  
行樂地，明日隔雲山。

又客散猶是

步月而作

落日幾呼渡佳節每留關有時來照清淺髻雪似潘安一  
曲親蒙君賜兩岸更無人迹惟見鷺飛還隙地欠栽接蕉  
荔雜黃丹柳全疎松尚幼怕摧殘旁人笑我癡計管輪  
費防閑翁意在乎林壑客亦知夫水月滿腹貯清寒賦咏  
差有愧赤壁與滁山

又

次次觸客湖  
上賦舊仙事

羯虜問周鼎柱史出秦關苦求勾漏何意身世遠差安不  
見站鵝墮水時有飛鴻遵渚樂事久忘還采藥寓言耳胸  
次有靈丹釣游處榕葉暗荻花殘自翁仙後千載輪與  
水鷗閑我讀內篇未竟忽被急符驅去洞閉白雲寒回首  
愧幽子隱約海中山

又

十三夜同官載酒  
相別不見月作

怪事廣寒殿，此夕不開闢。林間鳥鵲相負，暫得一枝安。只  
要浮雲深處，誰駕長風挾取，明鏡忽飛還。玉兔呼不應，難  
覓白中丹。酒行深，歌聽徹，笛吹殘。嫦娥老去，孤冷離別  
匹如閒。待得銀盤藥出，只怕玉峯醉倒，衰病不禁寒。卿去  
我欲睡，辜負此湖山。

又

癸卯中秋作

老年有奇事，天放兩中秋。使君飛榭千尺，縹緲見麟洲。景  
物東徐城上，歲月北征詩裏，圓缺幾時休。俯仰慨今昔，惟  
酒可澆愁。風露高，河漢澹，素光留。賈胡野老相慶，四海  
十分收。競看嫦娥金鏡，爭信仙人玉斧，費了一番修。衰晚  
筆無力，誰伴賦黃樓。

又

和倉部  
弟壽詞

歲晚太元草深悔賦長楊向來戶外之履已飽各飛揚閣  
上青藜安在院裏金蓮去矣且愛短檠光衰懶倦賓客誰  
訪老任棠嘆時人憐黠小笑鮑黃汝曹變滅臭腐儂底  
愈芬香苦羨阿龍則甚王導小字學取幼安亦可坐穴幾蔡床  
零落雁行小敢不舉君觴

沁園春

夢孚  
若

何處相逢登寶釵樓訪銅雀臺喚厨人斫就東溟鯨膾圍  
人呈罷西極龍媒天下英雄使君與操餘子誰堪共酒杯  
車千兩載燕南趙北劍客奇才飲酣畫鼓如雷誰信被  
晨雞輕喚回嘆年光過盡功名未立書生老去機會方來  
使李將軍遇高皇帝萬戶侯何足道哉披衣起但淒涼感



舊慷慨生哀

又送李蕃弟  
方潛西歸

歲莫天寒一劍飄然幅巾布裘儘綠雲烏道攀躋絕頂拍  
天鯨浸笑傲中流時昔奇君紫髯鐵面生子當如孫仲謀  
爭知道向中年猶未封節封侯南來萬里何求因感慨  
喬公成遠游嘆名姬駿馬都成昨夢隻雞斗酒誰弔新邱  
天地無情功名有命千古英雄只麼休平生客獨羊曇一  
個泪洒西州

又送色  
尉

我羨君歸一路秋風芙蓉木犀想慈顏望久靈鳥乍噪新  
眉畫就郎馬頻嘶忙脫征衫快呼斗酒細為家人說建谿  
爭知道這中年懷抱最怕分攜丈夫南北東西應笑煞

離筵粉泪啼。悵佳人未來。碧雲冉冉。王孫去後。芳草萋萋。  
明日相思。山重水複。古道人行稀。茆店雞。元龍老。有。高樓百  
尺。誰共登梯。

又

答九華  
葉賢良

一卷陰符。二石硬弓。百斤寶刀。更玉花驄。噴鳴鞭。電抹烏  
絲。闌展。醉墨龍跳。牛角書生。虬髯豪客。談笑皆堪。折簡招  
依稀記。曾請纓繫越。草檄征遼。當年目覩雲霄。誰信道  
淒涼。今折腰。悵燕然未勒。南歸草草。長安不見。北望迢迢。  
老去胸中。有些磊磊。歌罷猶須酌酒澆。澆休也。但帽邊髻  
改。鏡裏顏凋。

又  
同前

我夢見君。戴飛霞冠。著宮錦袍。與牧之高會。齊山詩酒。謫

仙同載采石風濤萬卷星羅千篇電掃肯學窮兒事楚騷  
掀髯嘯有魚龍鼓舞孤兔哀嗥英雄埋沒蓬蒿誰摸索  
當年劉與曹嘆事機易失功名難偶誅茆西崦種秫東臯  
柵有雞豚庭無羔雁道是先生索價高人間窄待相期海  
上共摘蟠桃

又

癸卯佛生日將曉夢中  
有作既醒但易數字

有個頭陀形等枯株心猶死灰幸春山筍賤無人爭喫夜  
爐芋美與客同煨何處攜花忽相導引莫是天宮迎赴齋  
又疑道向毗耶城裡講席初開這邊尚自徘徊笑那裏  
紛紛早見猜有尊神奮杵拳粗似鉢名縉豎拂喝猛如雷  
老子無能山僧不會誰誤檀那舉請哉山中去便百千億  
劫休下山來

又

和吳尚書叔永

我所思兮，延陵季子。別來九春，笑是非浮論。白衣蒼狗，文章定價。秋月華星，獨步岷峨。後身坡顥，何必荀家有二仁。中朝裏看叔兮袞斧，伯也絲綸。洛中曾識機雲，記玉立堂堂九尺身。嘆茗溪漁艇，幽人孤往。雁山馬鬣，弔客誰經。宣室釐殘，元都花謝，回首舊游存幾人。新腔美，堪洗空恩怨，喚起交情。

又

吳叔永尚書和余舊作再答

莫羨渠儂，白玉成樓，黃金築臺。也不消顛怪，騎驎被髮，誰能委曲，令鴝為媒。髻有二毛，袖間雙手，只了持螯與把酒。公過矣，賞陳登豪氣，杜牧粗才。便煩問訊張雷，甚斗宿無光，劍不回。想閣中鳴珮，時攜客去，壁間懸榻。近者誰來。

撤我虎皮。讓君牛耳。誰道兩賢相厄哉。中年後。向歌闌夜。  
感樂極生哀。

又

維揚作

遶鶴重來。不見繁華。只見凋殘甚。都無人誦何郎詩句也。  
無人報書記平安。閨里俱非。江山畧是。縱有高樓。莫倚闌。  
沉吟處。但螢飛草際。雁起蘆間。不辭露宿風餐。怕萬里  
歸來。雙鬢斑。算這邊贏得。黑貂裘。敝那邊輸了。翡翠衾寒。  
檄草流傳。吟箋倚閣。開到瑤花。亦懶看君記取。向中州。差  
樂塞地無歡。

又

答陳上舍應祥

華髮蕭蕭歸碧雞。坊出金馬門。把一枝色筆。擲還郭璞。些  
兒殘錦。回乞天孫。永免朝參。更無宣鎖。送老三家水竹村。

休休也任巫陽來下未易招魂 茅簷安得庖閭情便了  
沾來酒滿尊嘆角巾東路吾尋初服上書北闕子漫危言  
漏院霜靴火城雪轡得似先生敗絮溫安危事付布衣融  
泰鼎定膺蕃

又平章生

日丁卯

某茲者恭審其官篤生名世光輔新朝昂儲精微  
降神方啟中興之運河如帶山若礪未酬再造之  
功某逾望三台敬熏一瓣短衣飯牛而至  
旦業已歸耕楷笏籠鵠以故生未由旅賀

載籍以來於宇宙間有功者誰自唐堯咨禹水行由地宗  
周微管夏變為夷謝傅棋邊萊公散畔淝水澶淵送捷旗  
天不偶生堂堂國老真太平基 雅懷厭倦台司新天子  
殷勤留帝師向朝堂袞繡萬羊非泰湖山條褐兩鶴相隨  
壽遇磻溪德如洪澳進了丹書作抑詩蒯緱客願年年歲

歲來獻詩詞

又二鹿

馴於塞驢清於賜駒我行爾從幸紫車堪駕何慚韓衆樂  
苗可采長伴龐公野澗泉甘陽坡草暖有柏葉松枝充短  
供休夢想去游靈囿沼入望夷宮與夸奪子爭雄生與  
死未知誰手中况喉焚者衆放麕人少大將觸網小亦傷  
弓風日和柔山林深密折角何如且養茸二蟲喜各啣花  
拜跪來壽樗翁

又

剝啄誰歟戶外一賓布衣麻鞋有舌端雄辨機鋒破的袖  
中行卷錦繡成堆聞啟上賓僕觀諸老個主人喜晚推向  
怎奈向今十分衰颯非昔形骸 閣言賓怒如雷因底事

朱門宴未開假使汝主公做他將相懶迎揖客緊閉翹材  
病瘦慚惶尊官甯耐待鐵拐先生旋出來賓性急懷生  
名紙興盡而回

又寄竹溪

老子衰頹晚與親朋約法三章有談除目者勒回車馬談  
時事者麾出門牆已挂衣冠怕言軒冕犯令先當舉罰觴  
書尺裏但平安二字多少深長溪翁苦未相忘我今有  
雙魚煩寄將道荒蕪羞對宮中蓮燭昏花難映閣上蒸光  
聞廟瑟音識關雎亂詩學專門儘不妨百年後尚庶幾中  
白不數韋康

又夢中作  
梅詞

天造梅花有許孤高有許芬芳似湘娥凝望歛君山黛明



妃遠嫁作漢宮妝冷豔誰知素標難襲又似夷齊餓首陽  
幽雅意縱寫之縑楮未盡毫芒 曾經諸老平章只一個  
孤山說影香 詔書存問 招處士節麾落盡早屈中郎  
日莫天寒山空月墮茅舍清於白玉堂甯淡殺不敢憑羌  
笛告訴淒涼

又

和林卿韻

疇昔遭逢薰殿之琴清廟之璋謝錦袍打扮佯狂太白黃  
冠結褵老大知章種杏仙人看桃君子得似籬邊嗅晚香  
從人笑笑安車迎晚隻履歸忙 後身定作班揚彼撼樹  
蚍蜉不自量偶有時戲筆官奴藏去有時醉墜宗武扶將  
永別鸛鸞已盟猿鶴肯學周容出草堂從人笑我韓公蓋  
豁張鎬眉蒼

又再和

慚愧清朝罷貢包茅住發牙璋便羊裘歸去難留嚴子牛  
衣病卧冷泣王章疇昔憂天如今懷土田舍雞肥社酒香  
甘雨足且免扶鋤苦免踏車忙先生少擬荀揚晚自覺  
才衰可斗量甚都無白鳳飛來元草亦無紫氣下燭干將  
待得新亭倒持手版何似抽還政事堂榮與辱算到頭由  
我不屬蒼蒼

又三和

吉夢惟何男子之祥載弄之璋嗟我辰安在斯文後死力  
侔元氣手扶天章學稼田荒鍊丹竈壞稽首南華一瓣香  
休休也免王良笑眉往來忙浮名斗挹箕揚世豈有  
明珠百斛量嗟種來瑤草年深未熟挑成錦字道遠難將

遷轉不形行容盡變盍改稱呼號暗堂遺弓遠愴帝鄉雲

白禹會山蒼

暗堂遠僧中尊宿也

又四和

余少之時賦如仲宣檄如孔璋也曾觀萬舞鋪陳商頌曾  
聞九奏制作堯章抖擻空囊存留諫笏猶帶虛皇案畔香  
今歸矣省聽雞騎馬趁早朝忙 榻前密啟明揚宰物者  
方持玉尺量元未嘗棄汝自云耄及無甯壽我或者天將  
壽太白云天 富有圖書貧無釵澤不似安昌列後堂新腔  
將壽我與 好任伊川看見非襄穹蒼

又

五和韻狹不可復和偶讀孔明傳獻成

昔卧龍公北走曹瞞西尅劉璋看沙頭八陣百神呵護渭  
濱一表三代文章絕笑渠懷平生姦偽死未忘情履與香

籌筆處遣子丹引去仲達奔忙 紛紛跋扈飛揚這老子  
高深未易量但綸巾指授關河震動靈旗征討夷漢賓將  
漢郊祀志招搖靈旗九夷賓將到得市朝變為陵谷千載烝嘗丞相堂錦  
城外有嘒鸛音好古柏皮蒼

又六和

少工藝文朱絲練絃黃流在璋  
古注云璋瓚也值虞廷戛擊簫韶  
之樂周王壽考追琢其璋汾水雁飛鼎  
今無

異域香浮生短更兩輪屋角來去荒忙 人言八十鷹揚  
笑千歲如何尺捶量但負圖龜馬藏之為寶詆丹雞犬去  
不能將友魯申公師浮邱伯尚可教書村學堂投老泪瞻  
越山紫翠陵氣青蒼

又七和

安得奇材頸繫單於首提子璋便做些功業勝窮措大聚

螢武子吞鳳君章

羅含字君章

笑煞豎儒錯翻故紙屈馬何曾

有艷香榆塞外恰棗紅時候想羽書忙

腰錢騎鶴維揚

分表事誰能預測嘆防身一劍壯圖護落建侯萬里老

境相將讀枕函書寶家藏免使他人笑弗堂吾哀矣雖尚

存右臂不解擎蒼

坡詞云早牽黃石擎蒼

又

八和景定壬戌經筵讀唐鑑微章余忝勅諭蒙恩賜費內望二匣後四年發篋見之有感

帝賜元圭臣妾潘衡奴隸侯璋因封還除目見噴鬼質竇

塗勢卷取怨奇章肯比寒儒自誇祕寶十襲庭珪寸許香

下巖石要朝朝磨試不論閑忙何須狗監掄楊這衡尺

曾經聖手量縱埋之地下居然光怪栖之梁上亦恐偷將

蓬戶無人花村有犬添幾重茅覆野堂交游少約文房四

友泛浩摩蒼

杜牧云李杜泛浩  
浩韓柳摩蒼蒼

又九和

歷事三朝覲而執圭祭而灌璋更宮蓮引入視淮南草御  
屏錄了露會稽章貪膜外榮遺身臭也平生香  
顏髮改獨丹基無恙事在休忙曹邱生莫游揚這瞎漢  
還曾自配量已化為蝴蝶穿花栩栩懶陪鷄鶩佩玉將將  
機蹉面前鐘聞飯後我上堂時衆下堂從前錯欲區區手  
援天下黔蒼

又

叶和林  
卿得女

莫信人言虺不如熊反不如璋為孟堅補史班昭才學中  
郎傳業蔡氏詞章盡洗鉛華亦無瓔珞猶帶旃檀國裏香  
笑貧女尚寒機軋軋催嫁衣忙好逑不數潘楊占夢者

曾言大秤量，待銀河浪靜，金針穿了。藍橋路近，玉杵攜將，  
俏似凝之嬌。如道靚簾捲，燕飛王謝堂，恁時節看孫賢朱。  
紫翁老饒蒼。

漢宮春

秘書弟家  
賞紅梅

青女初晴，向醜梢枯榦，幻出妍姿。休煩苑吏，剪綵別有神  
司。東皇太乙，勅瑤姬、淡傅胭脂。還似得、華清湯煖，薄綃半  
卸冰肌。應笑楚宮癡絕，畧施朱則個，便妬蛾眉。唐人更  
無藉在，浪比紅兒。祥雲難聚，且丁甯、鐵笛輕吹。拚醉倒、花  
間一霎，莫教絳雪離披。

又

再和  
前韻

多謝勾芒露，十分春信，一種仙姿。主人領客，卜夜也喚分  
司。天葩國豔，幾曾煩、薄粉濃脂。微似有、酒上頰，更無粟

起香肌 猶記老婆年少愛斜簪寶髻淺印紅眉回頭笑  
他桃杏太赤些兒而今冷落更禁當多少風吹君看取梢  
頭點滴絕勝樹下紛披

又 三和

酷愛名花本不貪妖豔惟賞幽姿烏臺舊案累汝牽惹隨  
司冰層雪積獨伊家點絳凝脂應冷笑海棠醉睡牡丹未  
免豐肌 舞殿歌臺此際各新 妝額別畫宮眉那知有  
人淡泊不識 兒春鶯去也玉參差分付誰吹空傳得暗  
香疎影瑣窗卷了還披

又 四和

牆角殘紅恍徐娘雖老尚有丰姿紛紛絳節導從不要街  
司隨波萬點似阿房漂出殘脂休懊惱丹鉛褪盡本來冰



雪為肌 老子平生心鐵被色香牽動惹上雙眉且祝東  
風少緩漚酒芒兒道伊解凍甚潘郎鬢雪難吹猶憶待鉤  
天廣謙萬紅廣袖紛披

又

呈張別駕

京輦相逢憶茂陵臨御俱詣天官絳紗玉斧咫尺先引頭  
班桃花滿觀與貞元朝士同看歸騎晚春城笳吹夜游侵  
曉方還 回首龍髯何在漫共談前事泪洒橋山誰憐白  
頭柱史獨出函關君如春柳到而今也帶蒼顏憑寄語江  
州司馬琵琶且止休彈

又

癸亥生日

老子今年忽七旬加七飽閱炎涼夜窗猶坐書檠點勘偏  
旁浮榮膜外這些兒感謝蒼蒼試看取名園甲第主人幾

個還鄉 淇澳磻溪二叟向王朝抑抑牧野洋洋申公袂  
蒲輪算來議明堂平章前哲駕青牛去底差強自縊枯山  
歌送酒不送假手君房

又

符郎  
生日

此老先生尚不留東閣肯博西涼我僕爭敢來近思曠之  
旁朱顏未改絕勝如蔡義張蒼元自有安丹竈地何須求  
白雲鄉 欲綴小詞稱壽譬如河伯觀海茫洋見莊遙知  
垂弧甲第置酒華堂且吟梁父誰管他治子田強試問取  
壺翁仙訣幾時傳與君房

又

丞相生  
日乙丑

吉語西來已袞歸行闕冊拜頭廳唐 豈可一日輕去元  
齡洛英蜀客老成人幾半朝廷但管取三邊無警活他百

萬生靈 槐第安排勅 有藕如船大有棗如餅瑤環瑜  
珉繞席個個甯馨一般奇特中台星 老人星誰知得眉  
攢萬國華筵少醉多醒

又

陳尚書  
生日

公似寒梅向層冰積雪越樣清奇仙溪前輩相望可比方  
誰百篇剴切似君謨又似當時更正簡相君顙面崇清老  
子龐眉 未可卷懷袖手續平泉莊記錄野堂詩苦言譬  
如食攬回味方思嗣皇訪落怪鶴書直恁來遲煩借問二  
童一馬幾時入尉瞻儀

又

題鍾肇  
長短句

謝病歸來使文殊相問懶下禪床爾羅晨有剝啄顛倒衣  
裳袖中贊卷原夫輩安敢爭強若不是子期苗裔也應通

譜元常 村 雞鳴 動更休 煩簫管自協 宮商酒邊喚  
回柳七 壓倒秦郎一觴 一咏老尚書 閑殺何妨 煩問訊雪  
洲健否 別來莫有新腔

後村先生集

後村先生集

長短句二

念奴嬌 本序

繞籬尋菊菊猶避。舍北芙蓉渾未。却似小山叢桂裏。一夜  
天香飄墜。約束奴兵，丁甯稚子，莫掃青苔砌。風高露冷，倚  
闌疑匪人世。客有載酒過余，朗吟招隱，洗盡悲秋意。白  
髮長官窮似蠶，剛被天公調戲。遍地堆金，滿空雨粟，不濟  
淵明事。殘英賸馥，明朝猶可同醉。

又菊

老夫白首尚兒嬉。廢圃一番料。平理餐英落井，墜露重把  
離騷拈起。野豔幽香，深黃淺白，占斷西風裏。飛來雙蝶，繞  
叢欲去還止。嘗試詮次羣芳，梅花差可，伯仲之間耳。佛

說諸天金色界未必莊嚴如此尚友靈均定交元亮結好  
天隨子籬邊坡下一杯聊泛霜榮

又

壬寅  
元日

比如去歲前年今朝差覺門庭靜玉軸金標無一首知道  
先生遠佞假使文殊攝諸菩薩來問維摩病無花堪散亦  
無香積齋觀回首雪浪驚心黃茆過頂瘴毒如炊甑山  
鬼海神俱長者饒得書生窮命不慕飛仙不貪成佛不要  
鎖天令年年今日白頭母子家慶

又

壽方  
德潤

卯君來處與眉州仙子依稀同日一自前朝龔蔡後頗覺  
壺山岑寂誰料端平繼居遺補復有斯文出幅中林下姓  
名玉座長憶須信謠語尤甘忠言最苦橄欖何如蜜諸

老蕭疎星欲曉，留取南都鐵壁。洛社自佳，鏡湖誰好，莫問  
君王乞。年年歲歲，大家同做真率。

又兩午鄭少  
師生日

禁中張宴苦留公，未許歸尋初服。千載君臣魚有水，不比  
嚴光文叔。火德中天，客星一丈，草草聊同宿。重來凝碧，依  
然廣載相屬。過眼夸奪紛紛，浮雲野鶴，幾度翻棋局。客  
話鳳池三入事，洗耳湖光一曲。伯始泉荒，穉珪園冷，占斷  
西風年年歲歲。金英常泛芳醪。

又居厚弟  
生日

素馨茉莉向炎天，別有一般標致。淡粧綽約堪導引，海山  
大士從者誰歟。青藜閣下，漢印金之子，雲階月地夜深涼。  
意如水。客又疑這仙翁，唐元都觀裏，詠桃花底。且賭尊

前身現在休管漢唐時事坡穎歸遲機雲早發得似懷兄弟屢來戶外但言二叟猶醉

又

七月望夕觀月昔方孚若每以是夕泛湖觴客云脩坡公故事

天風浩動掃殘暑推上一輪圓魄愛舉眉山公舊話與客泛舟赤壁一自奎星去朝帝所嘆洞簫聲息空餘二賦至今淒動金石長記詩境平生詩豪酒聖亦自仙中謫疇昔停撓追懽處忍聽鄰人吹笛董相林荒賀公湖在俯仰成陳迹兩翁已矣年年辜負今夕

又

少時獨步詞場引絃百發無虛矢歲晚却蒙崑體力世業工脩鞋底用楊文公事曾裂白麻曾塗墨勅謫墮俄徵起鼎湖龍去老臣何以堪此回首當日遭逢譬如春夢誤入華



胥裏推枕黃梁猶未熟封拜幾王侯矣似甕中蛇似蕉中鹿又似槐中蟻先人書在尚堪追補遺史

又和誠齋  
休致韻

此翁雙手頓閑處且把香篝籠袖西掖北門辭不要肯要南柯太守小小亭臺些些竹木何必靈和柳地行仙裏合推儂做班首取次著絕交書續歸田錄誰掣先生肘莫遣朝衣了留祝南山之壽蒼妓上廳老僧封院得似檇菴叟虛名身後生前且一杯酒

又再和

夢中忘却已聞退諫草猶藏懷袖文不會鋪張粉飾武不  
安能戰守禿似葫蘆辣於薑桂哀颯同蒲柳沒安頓處不  
如歸去邱首歲晚筋力俱非任空花眩眼枯楊生肘客

舉前脩三數個待與劉君為壽或號愁郎揚或稱鈍漢玉

或自呼聲雙山一篇齊物讀時噉以卮酒

又三和

戲衫拋了下棚去誰笑郭郎長袖小小草菴無寶貝何必  
神呵鬼守黃嬾篝燈青奴拂榻莫要他桃柳二退之客來問  
字此翁高卧搖首彷彿曾子當年商歌滿屋衣不完衿  
肘曾子提衿而肘見混沌若教休鑿竅巧歷安知其壽文叔故人  
仲華幾個輪與羊裘叟浮生如寄切身之物惟酒

又丙寅  
生日

老逢初度小兒女盤問翁翁年紀屈指先賢彷彿似當日  
申公歸邸跛子形骸暗堂頂相更折當門齒麒麟閣上定  
無人物如此追憶太白知章自騎鯨去後酒徒無幾惡

客相尋道先生清曉中醒慵起不袖青蛇不騎黃鶴混迹紅塵裏彭聃安在吾師淇澳君子

又二和

並游英俊從頭數富貴消磨誰記道眼看來嘆人生如寄家如旅邸教婢羹藜課奴種韭聊註殘牙齒草堂綿絕百年栖託於此歲晚竿禿無花探懷中殘錦剪裁餘幾脚頑麻賜他靈壽杖也難扶起誰絕交游變更姓名日莫空山裏老僊復出不知誰氏之子

又三和

四朝遺老須眉白巧厯不知其紀壽不知其紀真喚九重為座主肯謁侯門王邸晚會耆英未論爵德鄉曲無如齒酒酣度曲妙音久不聞此堪嘆化鶴重來但累累華表

舊人存幾散盡黃金留篋中團扇怕秋風起結綺歌闌披  
香宴放出深宮裡顛毛雖白尚堪封管城子

又四和

太邱晚節把家事一切傳他謚紀業已休休又誰解露綬  
會稽郡郎張父殷兄阮生朱老相與唇齒酒樓

一謫

仙嘗醉於此一一耆舊貽書新來強健否問年今幾謝  
傳當時却因個甚拋了東山起對局含嘖溫飛卿對局詩含嘖見千里  
聞箏墮泪圍在愁城裏吾評晉士不如歸去來子淵明有自稱陶子

又五和

隆乾間事兩翁有手澤遺編曾記余掌蘭臺脩纂到景定  
初開忠郎壞起復麻奮塗歸筆嚼碎張巡齒德音猶在非

漢廷多憚朱雲。君言往事勿重陳。且闢酒邊身。也不會區區算他甲子。記甚庚寅。爾曹譬如朝菌。又安知老柏與靈椿。世上榮華難保。古來名節如新。

又

癸卯生日

病翁將耳順。牙齒落鬢毛疎也。慚愧君恩。放還田舍。免詣公車。兒時某邱某水。到如今老矣。可樵漁。寶馬華軒無分。蹇驢破帽如初。浮名箕斗竟成虛。磨折總因渠。帝錫余別號。江湖聳叟。山澤仙臞。尊前未宜感慨事。猶須看歲宴何如。衛武耄年作戒。伏生九十傳書。

又

送鄭伯昌

古人吾不見。君莫是鄭當時。更築就山房。躬耕谷口。名動京師。諸公任他衮衮。與杜陵野老共襟期。有客至門先喜。

得錢沽酒何疑。昔年連轡柳邊歸。陳迹恍難追。況種桃  
道士看花。君子回首皆非。相逢故人問訊。道劉郎老去久  
無詩。把作一場春夢。覺來莫要尋思。

又

丁未中秋

水亭凝望久。期不至。擬還差。隔翠幌銀屏。新眉初畫。半面  
猶遮。須臾淡煙薄靄。被西風掃盡。不留些。失了白衣蒼狗。  
奪回雪兔金蟾。垂雲徑到玉皇家。人世鼓三過。試自判  
此生。更看幾度。小住為佳。何須如鉤似玦。便相將。只有半  
菱花。莫遣素娥知道。知他髮也蒼華。

又

漁父詞

海濱簑笠叟。駢背曲鶴形。雕定不是凡人。古來賢哲多隱  
於漁。任公子。龍伯氏。思量來。島上鉤魚。又說巨鰲吞餌。

牽翻員嶠方壺。磻溪老子雪眉鬚。肘後有丹書被西伯  
載歸營邱。茅土牧野檀車世間久無是事。問苔磯癡坐待  
誰歟。只怕先生渴睡釣竿拂著珊瑚。

又

趙叟  
生日

郡人元未識新太守。定如何待說向諸賢。西橋人物個個  
清臞。相將下車許久。但凝香之樂。一些無殘漏。幾筭視事  
濃油。一盞觀書。旁人徒見兩輪朱玉色。未嘗腴有無窮  
陰隲。三農衣食萬衲鐘魚。爾儂迎新送舊。似君侯清約更  
誰歟。欲舉一盃壽酒。却愁破費兵厨。

又

己未  
生日

新來衰態現。書懶讀。鏡休看。笑量窄才慳。卷無警策。孟有  
留殘。思量減些年甲。怎奈何鬚與髭難瞞。假使詔催上道。

不如勅放還山 數年前乞挂衣冠老矣尚盤桓且行歌  
拾穗未應天上解勝人間仙家更無理會至今傳都廁處  
劉安莫怪老翁雙鑠止緣老子癡頑

又客贈  
壯丹

維摩居士室晨有鵲噪簷聲排闥者誰歟冶容袿服寶髻  
珠璣又疑是毗耶城裏天魔變作散花人姑射神仙雪豔  
開元妃子春醞 廊延第一次西京姚魏是知名向歐九  
記中思公屏上描畫難成一自朝陵使去賺洛陽花鳥望  
昇平感慨桑榆莫影挾挑草木微情

摸魚兒

怪新年倚樓看鏡清狂渾不如舊莫雲千里傷心處那更  
亂蟬疎柳凝望久愴故國百年陵闕誰回首功名大謬嘆



采藥名山讀書精舍此計幾時就封侯事久矣輸人妙  
手滄洲聊作漁叟高冠長劍渾閒物世上切身惟酒千載  
後君試看拔山扛鼎俱烏有英雄骨朽問顧曲周郎而今  
還解來聽小詞否

又海棠

甚春來冷烟淒雨朝朝遲了芳信  
驀然作暖晴三印又覺  
萬姝嬌困霜點鬢潘令老  
年年不帶看花分才情減盡悵  
玉局飛仙石湖絕筆  
辜負這風韻傾城色懊惱佳人薄  
命牆頭岑寂誰問東風日  
莫無聊賴吹得胭脂成粉  
君細認花共酒古來二事天尤吝  
年光去迅漫綠葉成陰青苔  
滿地做得異時恨

又

用寶之韻

便褰衣荷鋤歸去何須身著宮錦與誰共話桑麻事朱老  
阮生尤稔節樣餅甕樣醢長鬚赤脚供樵餼清流獨品盞  
掃去胸中置諸膜外對酒莫辭飲華胥夢怕煞人驚曉  
枕疎窗惟月來闌一生常被弓旌誤且告朝家追寢愁個  
甚君管取有薇堪采松堪陰節山再任幸不是謀臣又非  
世將免犯道家禁

轉調二郎神

余生日林農卿贈此詞  
終篇押一韻效頻一首

拙還手版受用處十分輕省便衣剪家機飯炊躬稼且免  
支移省帝憫龍鍾蠲朝謁予長假毋煩申省笑木石虛  
齋莫年欣做端明提省閒冷索金散盡書筒來省有小  
小樓兒看山待月絕勝崔公望省兩鶴隨軒一奴負鍤此  
外諸餘從省把一身本末綠章奏過泰元都省

又再和

黃梁夢覺忽跳出北扉西省今似得何人老僧退院秀才

下省罷草河西淮南詔沒一字謫尚書省

學士院文字至朝廷皆云謫報

不云

已交侶樵漁免教人道彌封官省

多幸條冰交去

新銜全省笑殺太師光賜靈壽杖有詔扶他入省死謚醉  
侯生封詩伯此事不關朝省便茆屋送老雲邊也勝倚金  
華省

又三和

一筇兩屨導從比在京差省更不草白麻不批黃敕稍覺  
心清力省幸有善和書堪讀不必然蔡芸省且閣起莊騷  
專看老易課程尤省 夢境槐陰禁苑藥翻綸省紙裏裏  
有青銅錢三百送與酒家展省弔李白墳挂徐君劍零落

端平同省

端平乙未李元善為司封余為

邨官徐直

僅留得老子婆

婆怎不拂衣華省

又四和

近來塞上喜蠟彈羽書清省更萬灶分屯百年和難慚愧  
而今半省蒙韃殘兵騎猪遁永絕生猺侵省做個太平民  
戴花身健催租符省何幸行人來密僉軍抽省但進有  
退無不用依時出省子厚南宮仲舒西掖又報  
岑參東省趁此際納祿懸車亦為大司農省

又五和

人言官冗老病底法當先省況行則蹢躅立時跛倚幸免  
做他兩省侍立官號客怕逢迎書慵答得省處而今姑省  
笑落盡桃花僕家夢得重來郎省凉冷練衣差薄蒲葵

堪省嘆三紀單栖二毛純白情味似潘騎省鬻馬遣姬惟  
書與畫點檢依然難省也不用畜犬防偷老去睡眠常省

長相思 惜梅

寒相催暖相催催了開時催謝時丁甯被花遲角聲吹  
笛聲吹吹了南枝吹北枝明朝成雪飛

又寄遠

朝有時莫有時潮水猶知日兩回人生長別離來有時  
去有時燕子猶知社後歸君行無定期

又別

風蕭蕭雨蕭蕭相送津亭折柳條春愁不自聊煙迢迢  
水迢迢準擬江邊駐畫桡舟人頻報潮

又

烟淒淒。草淒淒。野火原頭燒斷碑。不知名姓誰。  
印累累。冢累累。千萬人中幾個歸。榮華朝露晞。

又

勸一杯。復一杯。短鋤相隨死便埋。英雄安在哉。  
眉不開。懷不開。幸有江邊舊釣臺。拂衣歸去來。

昭君怨 牡丹

曾看洛陽舊譜。只許姚黃獨步。若比廣陵花。太虧他。  
舊日王侯園圃。今日荆榛狐兔。君莫說中州。怕花愁。

又 瓊花

后土宮中標韻。天上人間一本。道號玉真妃。字瓊姬。  
我與花曾半面。流落天涯重見。莫把玉簫吹。怕驚飛。

又

一個却雷州住。一個又廉州去。名姓在金甌。不如休。昨日沙隄行馬。今日都門飄瓦。君莫上長竿。下來難。

生查子

元夕戲陳敬叟

繁燈奪霽華。戲使侵明發。物色舊時同。情味中年別。淺畫鏡中眉。深拜樓西月。人散市聲收。漸入愁時節。

後村先生集

長短句三

滿江紅

金甲瑤戈記當日。隸門初立。磨盾鼻。一揮千紙。龍蛇猶濕。  
鐵馬曉嘶營壁冷。樓船夜渡風濤急。有誰憐猿臂。故將軍。  
無功級。平戎策。從罕什。零落盡。慵收拾。把茶經香傳。時  
時溫習。生怕客談榆塞事。且教兒誦花間集。嘆臣之壯也。  
不如人。今何及。

又

二月廿四夜  
海棠花下作

老子年來頗自許。心腸鐵石。尚一點消磨未盡。愛花成癖。  
懊惱每嫌寒勒住。丁甯莫被晴烘斥。奈暄風烈日太無情。  
如何得。張畫燭。頻頻惜。憑素手。輕輕摘。更幾番雨過。彩



雲無迹，今夕不來花下。似明朝空向枝頭覓。對殘紅滿院，杜鵑啼，添愁寂。

又

題梅谷

赤日黃埃，夢不到清溪翠麓。空健羨，君家別墅。幾株幽獨。骨冷肌清偏要月。天寒日暮尤宜竹。想主人杖屨繞千回。山南北。甯委澗，嫌金屋。甯映水，羞銀燭。嘆出羣風韻，背時裝束。競愛東隣姬傅粉。誰憐空谷人如玉。笑林逋何遜謾為詩，無人讀。

又

送宋忠父入江西幕

滿腹詩書，餘事到穰苴兵法。新受了烏公書幣，著鞭垂發。黃紙紅旗，噴道路，黑風青草空巢穴。向幼安宣子頭頂行，方奇特。谿峒事，聽僮說。冀遂外，無長策。便獻俘非勇，納

降非怯，帳下健兒休盡銳。草間赤子俱求活，到崆峒快寄  
凱歌來，寬離別。

又

落日登樓，誰管領、倦遊狂客。待喚起、滄浪漁父，隔江吹笛。  
看水看山身尚健，憂晴憂雨頭先白。對莫雲、不見故人來，  
遙天碧。山中鶴，應相憶。沙上鷗，渾相識。想石田、茆屋草  
深三尺。空有鬢如潘騎省，斷無面見陶彭澤。便倒傾海水，  
洗衣塵，難湔滌。

又

送王  
實之

天壤王郎，數人物、方今第一。談笑裏，風霆驚座，雲煙生筆。  
落落元龍湖海氣，琅琅並相天人策。問如何、十載尚青衫，  
諸侯客。易愛底，些官職。難保底，些名節。擬閉門投轄，劇

談三日。疇昔評君天下寶。當為天下蒼生惜。向臨分懷慨  
出商聲。推金石。

又壽王  
實之

鶴馭來時長占定。一年清絕。九萬里織雲收盡。帝青空閣  
月露偏為丹桂地。風霜欲放黃花節。聽玉笙縵縵度縵山。  
吹初徹。曾直把龍鱗批。曾戲取鯨牙拔。向絳河濯足。咸  
池晞髮。俗子底量吾輩事。天仙不在臞儒列。世豈無瑤草  
與蟠桃。堪攀折。

又和王實之韻  
送鄭伯昌

怪風盲雨。留不住江邊行色。煩問訊冥鴻高士。釣鰲詞客  
千百年傳吾輩話。二三子繫斯文脉。聽玉郎一曲玉簫聲  
淒金石。晞髮處。怡山碧。垂釣處。滄浪白。笑而今拙宦當

年遺直只願常留相見面未宜輕屈平生膝有狂談欲吐  
且休休驚隣壁

又

四首並和實之

往往封章曾聳動君王顏色今似得三閭公子四明狂客  
古不能籍言者口天方欲壽中朝脉算人間豈有病無醫  
須鐵石年冉冉袍猶碧心耿耿頭先白笑臣舒迂緩臣  
山愚直拂袖歸來羞炙手望塵拜了難伸膝把富春瀨與  
首陽山圖齋壁

又

三黜歸來飯蔬食渾無愠色中年後家如旅舍身如行客  
軒冕豈非疣贅具煙霞已是膏盲脉有些兒隙地更疏泉  
堆卷石隣媪餉新筍碧溪友賣鮮鱗白向陳編冷笑孔

明元直俗筆不教污兩耳。燕居聊可盤雙膝。取當年行脚一枝筇。懸高壁。

又

疇昔傳臚。仗下奏祥雲五色。何況是西子弟子。鶴山賓客。上帝照臨忠義膽。老師付受文章脉。問此君彷彿似何人。徂徠石。園官菜。登盤碧。田舍米。翻匙白。懶投詩。見素寄書杓直。德耀不嫌為隱髻。兒已解。搖吟膝。有誰憐。給札老相如。家徒壁。

又

下見西山料他日。面無慚色。君記取。不為呂黨亦非秦客。檜客有意挽回當時事。無方延得諸賢脉。笑海波渺渺幾時平。空啣石。園五畝。紛紅碧。家四世。傳清白。任天孫笑。

拙女嬰嫌直老去何煩援以手向來不要加諸膝待深山  
深處著茅齋看青壁

又壽唐

夫人

八十加三人盡訝還童返少爭信道夜春曉纖總曾經了  
凜凜共姜當日誓諄諄孟母平生教到如今象服擁魚軒  
天之報如船藕如瓜棗斑衣舞金鐘醺望秋霄一點老  
人星照塵世少如娘福壽上蒼知得兒忠孝待看他孫子  
又生孫添懷抱

又

和叔永吳尚書時  
吳喪少子

著破青鞵渾不憶踏他龍尾更冷笑癡人擘剗二三百歲  
殤子彭錢誰壽夭靈均漁父爭醒醉向江天極目羨禽魚  
悠然矣杯中物姑停止床頭笏聊拋廢慨事常八九不

如人意白雪調高尤協律落霞語好終傷綺特煩公老子  
一摩挲文公記

又丹桂

昨日梢頭點點似玉塵珠礫一夜裏天公染就金丹顏色  
體質翻嫌西子白濃粧却笑東隣赤儘重重簾幙不能遮  
香消息寒日短霜飛急未搖落須憐惜且亂簪破帽旋  
呼鳴瑟便好移來雲月地莫教歸去旃檀國怕彩鸞隱現  
霎時間尋無迹

又

禱祝封姨休把做揚沙吹礫費西帝許多薰染濃香深色  
滿插銅匱芳氣烈高張畫燭祥光赤向來生鼻觀細參求  
三千息人老大年華急花妖豔天公惜到一枝搖落千

林蕭瑟摘蕊莫教輕糝地返魂依舊能傾國待彩雲月下  
再來時尋陳迹

又

月露晶英融結做秦宮塊礫長殿後一年芳事十分秋色  
織女機邊雲錦爛天台賦裏晴霞赤恍如仙空際駕翔鸞  
休息粧束晚飄零急今不樂空追惜欠紅按舞朱  
絃調瑟豈是時無花鳥便是他自擇風霜國任落英狼籍  
委蒼苔稀行迹

又

誰把靈點化了荒園瓦礫奇特處恰當秋杪不爭春色  
因甚素娥脂粉豔怪他白帝車旗赤嘆莫年無句比紅兒  
芳心息狂飈起行雲急開與謝俱堪惜喚妓行按酒客



來操瑟撲鼻微香薰世界解顏一笑迷人國怕忽忽歸去  
廣寒宮難踪跡

又

楮葉工夫辛苦似鏤冰收礫君看取天公巧處自然形色  
髮絲已非前度綠眼花休問何時赤又誰能月下待紅娘  
傳音息投轄飲追歡急持帚掃癡心惜有塤箎諧律不  
消竿瑟點點散來居士室叢叢生占騷人國便高燒絳蠟  
寫烏絲留真迹

又

糝徑紅莫要放兒童拋礫知渠是仙家變幻佛家空色  
青女無端供剪綵紫姑有曾迷赤但雙雙戲蝶繞空枝  
飛還息鯨量減駒陰急芳事過餘情慢新腔窈窕奏

雲和瑟飄蕩隨他紅葉水蕭條化作青蕪國憶橋邊池上  
共攀翻空留迹

又端午

梅雨初收渾不辨東坡南蕩清旦裏鼓桹動地車輪空巷  
畫舫漸稍京輦俗紅旗會踏吳兒浪共葬臨娘子斬蛟翁  
窮懽賞麻與麥俱成長蕉與荔應來享有紫巨澤畔感  
時惆悵縱使菖蒲生九節爭如白髮長千丈但浩然一笑  
獨醒人空悲壯

又  
丁巳  
中秋

說與行雲且就嫦娥今夕俄變現金蛇能紫玉蟾能白  
九萬里風清黑香三千世界純銀色想天寒桂老已吹香  
堪攀摘湘妃遠誰寫瑟桓伊去誰吹笛嘆素光如舊朱

顏非昔老去微惺無奈減向來酒量常嫌窄情何人天外  
挽冰輪應留得

又

林元質侍郎生日  
四月二十九日

天上人間好時節無過初夏君記取瞿曇生後純陽來也  
風骨清臞如野鶴門庭低小才旋馬更旁無紅粉有青奴  
堪娛夜鯨口吸銀瓶瀉蠅頭字篝燈寫數而今鐵筆誰  
如公者便合去開丞相閣未應牽入耆英社待調羹事了  
却歸來尋前話

又

慶抑齋元  
樞八十

屈指耆英誰似得三朝元老尚留個管夷吾在何憂江表  
世道方占公出處裔夷爭問今年貌怎不移此手整乾坤  
長開了靈毒却斑衣繞如瓶李如瓜棗把禪龕閑定怕

蒲輪到師尚父年  
渾未艾中書令考  
猶為少看畫盆歲  
歲俗成元添懷抱

又

次韻徐使君  
癸亥燈夕

笳鼓春城處處有  
豐年語笑渾忘却  
金蓮前導青藜下  
照白雪唱來偏寡  
和朱顏老去難重  
少羨遊頭四十已  
專城真英妙奎文  
寵崇儒教田喜寬  
祖詔有春陵之什  
無潮州怪表雨盲  
風稀發作華星秋  
月爭光耀看來年  
此夜待端門開佳  
兆

又再和

奎墨西來落甲處  
親蒙天笑誰信道  
郡人生怕福星移  
照賓客唱余還和  
汝使君安老兼懷  
少況醉能同樂醒  
能文新腔妙無諸  
國漸聲教元結輩  
宣明詔恍夢中遼  
鶴重

來華表一琅玕書殊簡徑萬燈侍輦曾榮耀怪暗簷乾鵲  
詔查查公歸兆

又

傅相生  
日癸亥

江公惟公爭些子吾其社髮談笑裏旋頭迅掃斗杓旋幹  
投一粒丹元氣轉下三數著輸棋活把晉朝王謝傳同看  
誰優劣 飛凱 清夔峽罽和糴寬畿浙有三千功行待  
說玉笋滿斟長壽酒冰輪 借中秋月更慈幃喜見  
鳳將雛添丹穴

又

傅相生  
日甲子

現宰官身出隻手擎他宇宙籌邊外招徠名勝登崇勲舊  
不下萊公扶景德又如涑水開元祐儘從渠干贄及吾門  
歸斯受 上林苑多花柳祁連塞希刁斗更紅旗破賊黃

雲棲畝阿母瑤池枝上寶仙人太華峯頭藕瀉銅盆沆瀣  
入金卮為公壽

又

禮樂衣冠渾靠定堂堂國老出雙手把天裂處等閒補了  
謝傅東山心未遂周郎赤壁猶小事難於張趙兩元台功  
扶炎紹 恢鶴禁迎商皓開兔苑延枚 喜奎星來聚旌  
頭都掃重譯爭詢裴令貌御詩也祝汾陽老更何須遠向  
海山求安期棗

又 海棠

壓倒羣芳天賦與十分穠豔嬌嫩處有情皆惜無香何慊  
怡則誰如針粟大忽然誰把胭脂染教遲開不肯墜梅花  
羞寒儉 時易遇春難占歡事薄才情欠覺芳心欲訴冶

容微斂四畔人來攀折去一番兩有離披漸那堪幾陣夜  
來風吹千點

又離別

嫌殺雙輪駕行客之燕適粵也不喜船兒無賴載他江浙  
蕩子不歸鴛鴦被冷昭君遠嫁羶車發嘆子規聞管昔人愁  
啼成血渭城柳爭攀折關山月空圓缺有琵琶改語錦  
書難說若要人生長美滿除非世上無離別算古今此恨  
似連環何時絕

水龍吟

己亥自  
壽二首

年年歲歲今朝左孤懸罷渾無事吾哀久矣我辰安在老  
之將至懶寫京書怕看除目敗人佳思把東籬掩定北窗  
開了悠然酌頽然睡客有過門投贄道先生訪華胥氏

誰能辛苦陪他綺語。記他奇字。屈指先賢。戴花老監。豈其  
苗裔。待異時約取。寬夫彥國。入耆英會。

又

先生放逐方歸。不如前輩抽身早。臺郎舊秩。看來俗似。散  
人新號。起舞非狂。行吟非怨。高眠非傲。嘆終南捷徑。太行  
盤谷。用卿法從吾好。聞了草廬長嘯。後將軍來時休報。  
床頭書在。古人出處。今人非笑。製個談詞。呷些薄酒。野花  
簪帽。願雲臺任滿。又還因任。賽汾陽老。

又

自和前  
二首

病翁一榻蕭然。

劉屏山號病翁

不知世有歡娛事。雀羅庭院。載醪

客去。催租人至。報答秋光。要些酒量。要些詩思。奈長鯨罷  
吸。寒筇息響。茶甌外。惟貪睡。窮巷草無干。或相遇。莫



知誰氏柴門草戶闕人守舍任伊題字自和山歌國風之  
變離騷之裔待從今向去年年強健插花高會

又

平生酷愛淵明偶然一出歸來早題詩信意也書甲子也  
書年號陶侃孫兒孟嘉甥子疑狂疑傲與柴桑樵牧斜川  
魚鳥同盟後歸子好除了登臨吟嘯事如天莫相諮報  
田園間靜市朝翻覆回頭堪笑節序催人東籬把菊西風  
吹帽做先生處士一生一世不論資考

又

辛亥安  
晚生朝

祁公一度貂蟬先生三度貂蟬了燭柴升輅銀蟾燭夜金  
烏騰曉喜動龍顏瑞班玉歸功元老縱擎天力倦明農  
心切先還取中書考末著留侯難辨算除非煩他商皓

紫芝產遍赤松待久何時高蹈人世無過魚羹飯美布衾  
銘好待角巾東路蹇驢北阜伴公游釣

又

癸丑生日時  
再得明道詞

依然這後村翁阿誰改換新曹號虛名砂礫旁觀冷笑何  
曾明道吟歇後詩說無生話熱瞞村被兒童盤問先生  
因甚身頑健年多少不茹園公芝草不曾餐安期瓜棗  
要知甲子陳搏差大邵雍差小肯學癡人據鞍求用染髭  
藏老待眉毛覆面看千桃謝閱三松倒

又

丙辰  
生日

兒童不識樗翁挽衣借問年今幾小如彥國如大君實披  
襟高比德業天淵有些似處鬚眉而已願老身無事小車  
乘興名園內行窩裏做取出關周吏莫做他下山園綺

從人謗道是浮邱伯是庚桑子背偃肩高幅巾藜杖敝袍  
穿履白畫圖上面十分似個現端門底

又

即今七十平頭豈能久作人間客左車牙落半臂小幾  
莖鬚白挾種樹書舉障塵扇著遊山屐任蛙蟆勝負魚龍  
變化儂方在華胥國大功名官職眼中花須臾無迹  
小兒破賊二郎作相有何奇特同輩蕭疎且留鐵漢安摩  
銅狄向寶釵樓裏天津橋上月明橫笛

又

丁巳  
生日

不須更問旁人勸君自排青銅照幅巾短褐有些野逸有  
些村拙兩度呼來也曾批勅也曾還笑先生此手今堪  
何用苔磯上堪垂釣白雪新腔高妙把儂家調稱道

六韜未試抑詩未作如何歸老玉帶金貂星兒快活天來

煩惱待自幾年甲綴還官職換山翁號

素建熱云幸有山翁號如何不見呼

又

徐仲晦方蒙仲各和余去歲笛字韻為壽戲答二首

行藏自決於心不消謀及門前客平生

著書元晏桂

冠貞白帝獎孤高別加九錫一筇雙屐更賜之車服胙之

茅土依稀在槐安國頻領竹宮清職仰飛仙猶龍無迹

與誰同去挑包甲負轅班特蹉過明師且尋狎友杜康

儀狄笑謝公曠達莫年垂泪聽桓郎笛

又

方蒙仲王景長和余丁巳詞走筆答之

先生避謗山栖戒門不納高軒客誰與來者吟詩張碧設

諧侯白禮數由他謝郎著貌王郎穿屐且問花隨柳舉杯

邀月那須與人家國

用桓

香案旁邊供職鳥飛空何曾留

迹矐翁鐵漢兩賢安在百夫之特但願王師早俘頡利早禽長狄便太平無事賣薪沽酒騎牛腰笛

又

當年玉立清揚屋梁落日偏相照而今衰颯形體百醜懷十杓久已飾巾尚堪扶杖聽山東詔儘後車載汝營邱封汝何必在磻溪釣晚晤丹書元妙懶從他鍾離傳道不論資望推排也做五更三老宋玉多悲唐衢喜哭好聞煩惱問天公斷散人二字賜龜蒙號

又

此翁飽閱人間三生似是劉賓客若論輩行早陪韓柳晚交元白老矣安能為人取履與人爭履嘆酒泉郡遠醉鄉路絕今何處堪開國解去冰銜華職徧空山難尋行迹

道旁喘月田間卧草也勝郊特宰相 周公留召婁公  
容狄喜時平身健三行社飲一聲樵笛

又

病夫髣髴顏蒼不堪持向清溪照一生枵鑿壯夫嗔懦通  
人慊抑讓當行家勒渚西頌草淮南詔幸脫離沮洳浮游  
江海悠然逝毋吞釣 宴坐蒲團觀妙怪癡兒春糧求道  
古人尚齒迎他商皓拜他龐老鳩杖蒲輪把身束縛替人  
愁惱 為僧不了下梢猶要紫衣師號余以年勞  
該賜紫

又

林中書生日  
六月十九日

腐齋不是凡人海山僊聖知來處清英融結佩瑤臺月飲  
金莖露翰墨流行禁中有本御前停箸向宏文館裏薰風  
殿上親屬和微涼句 已被昭陽人妬更那堪 去

曾傳寶苑曾將玉杵付長生免地覆天翻河清海淺朱顏  
常住算給扶朝者臨雍拜者下梢須做

又

丁卯生日

此翁幸自偏盲那堪右目生微翳羽流襍謝緇郎懺悔天  
乎無罪客曰不然也因口腹也因瞻視汝夜披黃卷日餐  
丹荔貽伊戚將誰懣長智都緣更事盡今生十分珍衛  
莫年怕殺汗青蠹簡擘紅高會也莫貪他君謨舊譜子雲  
奇字特邀張司業看花題竹韓家園內韓喜張籍眸子清朗云忽見孟生題  
竹處籍詩昨日韓家後園內看花猶自未分明

風流子白蓮

松桂參天石橋下新種一池蓮似仙子御風來從姑射  
地靈獻寶坐向藍田曾入先生虛白屋不喜傳朱鉅記茂

叔溪頭深衣聽講遠公社裏素衲安禪  
山間多紅鶴端相久驀地飛去踟躕但蝶戲鷺翹有時偷近旁邊對月中  
乍可伴娥孤另牆頭誰肯窺玉三年俗客濃粧安知國豔  
天然

滿庭芳

涼月如水素濤翻雪人世依約三更扁舟乘興莫計水雲  
程忽到一州奇絕花無數多不知名渾疑是芙蓉城裏又  
似牡丹坪蓬萊應不遠天風海浪滿目淒清更一聲鐵  
笛石裂龍驚回顧塵寰局促揮袂去散髮騎鯨遽遽覺來  
是夢鐘勒動野雞鳴



後村先生集

後村先生集

長短句四

賀新郎

吾少多奇節。頗揶揄玉關定遠。壺頭新息。一劍防身行萬里。選甚南溟北極。看雁塞銜來秋色。不但梨棋誇妙手。管城君亦自無勍敵。終買輩。恐難匹。酒腸詩膽新來窄。向西風登高望遠。亂山斜日。安得良弓并快馬。聊與諸公角力。慢醉把關干頻拍。莫恨寒蟾離海晚。待與君秉燭遊今夕。歡易買。健難得。

又

送陳真州子華

送陳倉部知真州

北望神州路。試平章。這場公事。怎生分付。記得太行山百萬。曾入宗爺駕馭。今把作。握蛇騎虎。君去京東豪傑喜。想

投戈下拜真吾父談笑裏定齊魯  
雨河蕭瑟惟孤兔問  
當年祖生去後有人來否多少新亭揮泪客誰夢中原塊  
土算事業須由人做應笑書生心膽怯向車中閑置如新  
婦空目送塞鴻去

又杜子所  
凱歌

盡說和番漢這琵琶依稀似曲  
驀然絃斷作麼一年來一  
度欺得南人技短嘆幾處城危如卵  
元凱後身居玉帳報  
胡兒休作尋常看布嚴令運奇算  
開門決鬪雌雄判笑  
中有奚車毳屋獸驚禽散  
個個魏我橫塵柄誰了君王此  
段也莫靠長江能限不論周郎并幼度  
便仲尼復起嗟微  
管馳露布築京觀

又跋唐伯  
玉奏稿

宣引東華去。似當年文皇親擢馬。周徒步殿上。風霜生白。  
簡下殿扁舟已具。怎不與官家留住。古有一言腰相印。誰  
教他滿篋嬰鱗。疏還笏。退不回顧。新來邊報猶飛羽。問  
諸公可無長策。少寬明主。攀檻朱雲頭雪白。流落如今底  
處。但一片丹心如故。賴有越臺堪眺望。那中原莫已平安。  
否。風色惡。海天暮。

又送唐伯玉還朝

驛騎聯翩至。道臺家籌邊方急。酒行姑止。作麼攜將琴鶴  
去。不管州人垂淚。富與貴平生無味。可但紅塵難著脚。便  
山林未有安身地。揆白髮。兀相對。前身小范疑公是。憶  
當年天章閣下。建明尤偉。慶厯諸賢方得路。便不容他老  
子。須著放延州城裏。一語殷勤牢記取。在朝廷最好圖西

事何必向玉關外

又

送黃成父還朝

飛詔從天下，道中朝名流欲盡。君玉思賢，時事止今堪痛  
哭。未可徐徐俟駕，好著手扶將宗社。多少法延龍象，衆聽  
靈山囑付些兒話。千百世要傳寫。予方行矣，乘驄馬又  
送他江南太史去。遊蘊廩老我，伴身惟有影。倚遍風軒月  
榭，悵玉手何時重把。君向柳邊花底問，看貞元朝士誰存  
者。桃滿觀，幾開謝。

又

戊戌壽張守

南國秋容晚，曉寒輕。菊花臺榭，拒霜池館。試向湖山堂上  
望，萬頃黃雲川遍。總喫著君侯方寸，不要漢廷誇擊斷。要  
史家編入循良傳。春脚到福星現，家家香火人人願。要

還他慶元狨座建炎蟬冕穩奉安輿迎兩國誰謂山遙水  
遠福壽比河沙難算來歲而今黃花節早驂鸞入侍瑤池  
宴風浩蕩海清淺

又端午

深院榴花吐畫簾開練衣紋扇午風清暑兒女紛紛誇結  
束新樣釵符艾虎早已有遊人觀渡老大逢場慵作戲任  
陌頭年少爭旗鼓溪雨急浪花舞靈均標致高如許憶  
生平既紉蘭佩便懷椒糝誰信騷魂千載後波底垂涎角  
黍又說是蛟饒龍怒把似而今醒到了料當年醉死差無  
苦聊一笑弔千古

又九日

湛湛長空黑更那堪斜風細雨亂愁如織老眼平生空四

海。賴有高楼百尺。看浩蕩千崖秋色。白髮書生神州泪盡。  
淒涼不向牛山滴。追往事。去無迹。少年自負凌雲筆。到  
而今春華落盡。滿懷蕭瑟。常恨世人新意少。愛說南朝狂  
客。把破帽年年拈出。苦對黃花孤負酒。怕黃花也笑人岑  
寂。鴻北去。日西匿。

又

寄題蕭侍  
郎彭孤臺

絕頂規危榭。跨高寒。鳥飛不過雲生其下。斤斲無聲人按  
堵。翕忽青紅變化。覽城郭山川如畫閣。老鳳樓脩造手笑  
談間。突出凌雲厦。臺上景。買無價。唾壺塵尾登臨暇。似  
當年滌陽太守。歐陽公也。傾倒贛江供硯滴。判斷雪天月  
夜。更喚起鄒枚司馬。銅雀凌敲。歌舞散。訪殘碑。斷甃無存  
者。餘翰墨。被風雅。

又

動地東風起，畫橋西繞溪。桑柘漫山桃李寂，寂牆陰蒼苔。  
暎節印，前回屐齒驚。歲月馳雲駛，太息攀翻長亭樹。是  
先生手種，今如此。君不樂欲何俟。傍人錯會淵明意，笑  
斯翁皇皇急急。登山臨水，佳處徑呼籃輿去，彷彿柴桑栗  
里。從我者，門生兒子，嘗試平章先賢傳。屈原醒不若劉伶  
醉，判酩酊，卧花底。

又

宋卷  
訪梅

鵲報千林喜，還猛省謝家池館。早寒天氣，要與瑤姬敘離  
索。草草杯盤藉地，悵減盡何郎才思。不願玉堂并金屋，願  
年年歲歲花間醉。餐秀色，挹高致。西園飛蓋東山妓，問  
如何半山雪裡。孤山煙外，管甚夜深風露冷。人與長瓶共



睡任翠羽枝頭多事老子平生無他過為梅花受取風流  
罪簪白髮莫教睡

又

溪上收殘雨倚盡闌薄綿乍脫日陰亭午關市不知春色  
處散在荒園廢墅漸小白長紅無數客子雖非河陽令也  
隨緣暫作鶯花主那可負甕中醅

碧雲四合千巖莫

恨匆匆余方有事子姑歸去趁取羣芳未搖落暇日提魚  
就煮喚激電光陰如許回首明年何處在問桃花尚記劉  
郎否公莫笑醉中語

又

和詠  
茶靡

曾與瑤姬約恍相逢翠裳搖曳珠璣聯絡風露清真非人  
世攬結玉龍驂鶴受萬朵千條纖弱禱祝花神憐惜取問

開時晴雨須斟酌。枝上雪，莫銷却。惱人匹似中狂藥。恐  
危闌燭光交映。樂聲遙作。身上春衫香薰透。看到參橫月  
落。算茉莉猶低一著。坐有綈山玉郎子。付玉簫度曲。難為  
酢。君不飲。鑄成錯。

又

用前韻賦  
黃荼蘼

想赴瑤池約。向東風。名姬駿馬。翠韉金絡。太液池邊鵲  
下。又似南樓呼鶴。畫不就。濃纖嬌弱。羅袖封香來天上。瀉  
銅盤。沉瀝供清酌。春去也。被留却。芳魂再返。應無藥。似  
詩詠。綠衣黃裏。感傷而作。愛惜尚嫌蜂採去。何況流鶯蹴  
落。且放下。珠簾遮著。却却江南黃九外。有何人。敢與花酬  
酢。君認取。莫放錯。

又

再用  
約字

淺把宮黃約細端。相普陀煙裏。金身珠絡。萼綠華輕。羅襪小飛下。祥雲仙鶴。奈奈。蕃蜂腰纖弱。已被色香撩病思。儘驚兒酒美。無多酌。看不足。怕殘却。人間難得。傷春藥。更枝頭流鶯呼起。少年狂作。留取姚家花相伴。羞與萬紅同落。未肯讓臘梅先著。樂府今無黃卷子。問斯人。清唱何人醉。休草草認題錯。

又

客贈芍藥

一夢揚州事。畫堂深金瓶萬朵。元戎高會。座上祥雲層層起。不減洛中姚魏。咲別來關山迢遞。國色天香何處在。想東風猶憶狂書記。驚歲月。一彈指。數枝清曉。煩馳騎。向小窗依稀重見。蕪城妖麗。料得花憐。儂消瘦。儂亦憐花。憔悴花漫。悵望竹西歌吹。老矣應無騎鶴日。但春衫點點當時。

泪那更有舊情味。

又

郡宴和韻

草草池亭宴。又何須珠璣絡臂。琵琶遮面。賓主一時詞翰手。倏忽龍蛇滿案。傳寫處。塵飛鶯轉。但得時平魚稻熟。這腐儒不用青精飯。陰霧掃。霽華見。使君償了豐年願。便從今也無敲朴。也無厨傳。試拂籠紗看壁記。幾個標名渠觀。想九牧聞風爭羨。此老飽知民疾苦。早歸來載筆薰風殿。詩有諷。賦有勸。

又

再和前韻

夢斷釣天宴。怪人間曲吹別調。局翻新面。不是先生瘖啞了。怕殺烏臺舊案。但掩耳蟬嘶禽嘯。老去把茆依地主。有瓦盆盛酒荷包飯。停造請。免朝見。少狂誤發功名願。若

貪化生前死後美官佳傳白髮歸來還自笑管轄希夷古  
觀看一道水銜堪羨妃子將軍噴未已問匡山何似金鑾  
殿休更待杜鵑勸

又題滿  
壺寺

風露馳炎毒記仙翁飄然謫墮吹笙騎鶴歷歷漢初秦李  
事山下瓜猶未熟過眼見羣雄分鹿想得拂衣游汗漫試  
回頭劉項俱蠻觸斫鯨膾脯麟肉越人好事因成俗擁  
遨頭如雲士女山南山北問訊先生無恙否齊魯干戈滿  
目且游戲扶脊黃木不是世無瓜樣棗便有來肯飽癡兒  
腹聊舉酒笑相屬

又王寶之喜余出嶺命愛姬  
歌新詞以相勞勸次其韻

此腹元空洞少年時諸公遇矣上天吹送老大被他禁害

殺身與浮名孰重。這鼓笛休休拈弄。綵筆擲還殘錦去。江  
淹鮑願今生來世無妖夢。且飯犢。莫吞鳳。新來瘖啞如  
翁仲。羨王郎駢鸞縹緲。玉簫吹動。應笑夔州村裏女。炙面  
生愁。進奉要絕代傾城安用。今古何人知此理。有吾家酒  
德先生頌。三萬卷。慢充棟。

又

蒙恩主崇禧  
再用前韻

主判茆君洞。有簷間查查喜鵲。曉來傳送。幾度黃符披戴。  
了。此度君恩越重。僕五任祠廟一南岳二仙被賀監天隨  
調弄。做取敬人千百歲。笑渠儂一霎邯鄲夢。歌而過。鳳兮  
鳳。灌園織屨希陳仲。問先生加齊卿相。可無心動。除却  
醴泉中太乙。揀個名山自奉。那捷徑輸他藏用。有耳不曾  
聞黜陟。免教人貶駁徂頌。服蘭佩。結茅棟。

又三和

謫下神仙洞，更遣他揶揄黠鬼。路旁遮送，薄命書生難助。爾却笑尊拳忒重，破故紙誰教結弄。一枕茅簷春睡美，便周公大聖何須夢。門外客，任題鳳。卜隣羊仲并求仲，願春來西畴雨足，土膏犁動。白髮巡官占歲稔，不問京房翼奉。棹與甕從今無用。醉與老農同擊壤，莫隨人投獻嘉禾。頌在陋巷，勝華棟。

又席上聞歌有感

妾出於微賤，少年時朱絃彈絕。玉笙吹遍，粗識國風關雎。亂羞學流鶯百轉，總不涉閨情春怨。誰向西隣公子說，要珠鞦迎入梨花院。身未動，意先懶。主家十二樓連苑，那人人靚粧按曲，繡簾初卷。道是華堂簫管唱，笑殺雞坊拍。

袞回首望侯門天遠我有平生離鸞操頗哀而不愠微而  
婉聊一奏更三嘆

又

生日用實  
之來韻

鬢雪今千縷更休休癡心默望故人明主晚學瞿聃無所  
得不解飛昇滅度似曉鼓鼙鼙撾五散盡朝來湯餅客且  
烹雞要飯節客母怕回首太行路麟臺學士微雲句便  
尊前周郎復出審音無誤安得春鶯雪兒輩輕拍紅牙按  
舞也莫笑儂家蠻語老去山歌尤協律又何須手筆如燕  
許援琴操捉筆柱

又

再用  
前韻

放逐身藍縷被門前羣鷗戲狎見推盟主若把士師三黜  
比老子多他兩度袖手看名場呼五不會車邊望塵拜免



他年青史羞潘母，勾曲洞是歸路。平生怕道蕭蕭句。況  
新來冠敝弁，側醉人多誤。管甚是非并禮法，頓足低昂起  
舞。任百鳥喧啾春語，欲託朱絃寫悲壯。這琴心脉脉誰堪  
許。君按拍，我調柱。

又

贊之三和斐邊  
之語走筆答之

國脉微如縷，問長纓何年入手。縛將戎主，未必人間無好  
漢。誰與寬些尺度。試看取當年韓五，豈有穀城公付授也。  
不干曾過驪山母，談笑起兩河路。少時棋枰曾聯句，嘆  
而今登樓攬鏡，事機頻誤。聞說北風吹面急，邊上衝梯屋。  
舞君莫道投鞭虛語，自古一賢難制難，有金湯便可無張  
許。快投筆，莫題柱。

又

四用縷字韻  
為王贊之壽

萬字如鍼縷憶王郎丹墀大對氣為文主貴近旁觀俱失色仰止如天聖度笑杜牧成名居五晚面清光猶苦諫似封人懇切君言毋謫塵世錯行路當時宜和薰風句又那知青雲一跌被才名誤輸與靈和殿前柳柔軟隨風學舞怪語鳥新來停語不是先生高索價問何時宰相先生許舉杯祝莫傾柱

又賞之用前韻為  
老者壽戲答

身畔無絲縷但從前練裳練悅做他家主甲子一周加三紀烏兔走飛幾度賽孔子如來三五徐陵云小如來五歲多孔子三年鶴髮蕭蕭無可截要一杯留客慚陶母門外草欲迷路朗吟白雪陽春白待夫君驪駒不至鵲聲還誤老去聊攀萊子倒倒著斑衣戲舞記田舍火爐頭語肘後黃金腰下印

有高堂未敢將身許且扇枕莫倚柱

又

張倅  
生日

輦路東風裏試回頭金閨昨夢侵尋三紀歲晚歸然靈光  
殿僕與君侯而已漫過眼幾番桃李珠履金釵常滿座問  
誰人得似張公子馳騁驟佩龜紫宿雲收盡簷聲止玳  
筵開高臺風月後堂羅綺恰近洛人脩禊節莫惜飛觴臨  
水怕則怕追鋒微起此老一生江海客願風雲際會從今  
始甯鬱鬱久居此

又

九日與二弟  
二客郊行

老去光陰駛向西風林變纈殘霞成綺尚莫年腰脚  
健不礙登山臨水算自古英雄能幾客與桓公俱臭腐獨  
流傳吹帽狂生爾後來者亦猶此簞興伊軋柴桑里問

黃花沒些消息空籬而已賴有一般芙蓉月偏照先生懷  
裏且覓個關干同倚檢點尊前誰見在憶平生共插茱萸  
底歡未足飲姑止

未草追懷無就處和二弟

又

己未九日同季弟子姪飲倉部弟免菴良翁宮教來會

憶昔俱年少向斯人登高懷古賦詩舒嘯追數尊前插花  
客人物並皆佳妙禁幾度西風殘照元子寄奴曾富貴到  
而今一一消磨了君不樂後人笑山南山北添華表嘆  
歸來謝池草合黃臺瓜少老去受持禡物論誰管彭殤壽  
天待細說教天知道不羨兩蘇并二宋願弟兄歲歲同吹  
帽盃到手莫辭醺

又

居厚良翁皆和余亦繼作

何必遊嵩少屋邊山松風浩蕩虎龍吟嘯舊效楚人悲秋

作晚愛陶詩高妙髮如此臨流羞照屈指向來夸毗子被  
西風一筆都勾了曾不滿逢人笑 當年玉振於江表悵  
而今老身空在歡娛全少假使真如彭祖壽蒙叟猶嗤渠  
天偶露華不經人道歲晚連床談至曉勝岡頭出沒看烏  
帽君舉白我頻酌

又

人老難重少強追陪李侯痛飲劉郎清嘯與兄也報答秋  
光無一字虛說君房語妙且匣起青銅休照賴有多情雞  
下菊待西風不肯先開了留晚節發孤笑 孔璋客紹衡  
依表有誰憐戴花翁病插萸人少生不逢場閒則劇年似  
龔生猶天吃緊處無人曾道到得扶他迂叟出算貂蟬未  
抵深衣帽街酒賤更沽醕

又四用韻

猶記臣之少興狂時過陳遵飲對孫登嘯歲晚登臨多感慨但覺齊山詩妙任落月柳風吹照金印不來丹飛去擬神仙富貴都差了空錯錯與人笑 九年前拜懸車表試回看柴桑菊老元都花少周也曾言殤子壽佛似白頭為天未得平生心末後句巖頭曾道頭似禿鷲巾裘懶最不宜蟬冕宜僧帽杯中物直須醺

又

五用韻讀坡公和陶詩其九篇為重九作乃敘坡事而賦之

行樂尤宜少憶坡公洞簫聽罷劃然長嘯四海共知霜鬢滿莫問近來何妙也不記金蓮曾照老沒太官餽酒分把茱萸便準登高了齊得喪等嘻笑 集無韓子潮州表數當時南遷者衆北歸人少赤壁玉堂均一夢此豈蠻煙能

天與同叔俱嘗知道誰向進賢冠底說畫出來不似眉山  
帽秋菊琰獻公醕

又

六用韻敘讀仙  
事為宮教兄書

鵬賦年猶少

初為大鵬遇希有鳥賦  
後悔少作改為大鵬賦晚飄蓬夜郎秋浦漁

歌猿嘯

猿嘯風中斷漁歌  
月下聞見太白詩駿馬名姬俱散去參透南華微

妙斂萬丈光芒迴照妃子將軍噴個甚老先生拂袖金闕

了供玉齒粲然笑解驂賴有汾陽老嘆今人布衣交薄

綈袍情少黃祖斗筲何足算鸚鵡才高命天與賀監共歸

同道脫下錦袍與飲底謫仙人白紵烏紗帽

題太白像烏紗之巾白紵

袍邀素月入杯醕

又

傅相生  
日土戌

低局從頭解危機除非喚取國棋未着不信胡兒能膽大

南岸安他陣脚談笑裏烏巢空幕西起岷峨東海岱有捷  
旗露布無宵柝草渭後到秋壑淮田犁遍吳田問壘  
家山河宇宙是誰擎託自覺懷中殘錦盡采色彰施技薄  
視柳雅韓碑睜若稽首魯公黃髮頌世人何堪繼美斯作  
楚狂語莫刪却

又

癸亥  
九日

宿雨輕飄洒少年時追歡記節同人於野老去登臨無脚  
力徙倚屋東籬樹但極目海山如畫千古惟傳吹帽漢大  
將軍野馬塵埃也須綵筆為陶寫鶴歸舊里空悲咤嘆  
原頭紫纈高塚洛英凋謝留得香山病居士却入漁翁保  
社張誰伴先生情話樽有蒲萄簪有菊西涼州不似東籬  
下休喚醒利名者



又

拂袖歸來也懶追陪竹林嵇阮蘭亭王謝誰與此翁相煖  
熟賴有平生伯雅且放意高吟閒話山鳥山花皆上客又  
何須勝似公榮者胸磊砢總澆下 盤龍凝絕求鵝炙這  
先生黃齏甕熟味珍無價酒頌一篇差要妙莊列諸書土  
苴任禮法中人嘲罵君特未知其趣耳若還知天急來投社  
共秉燭惜今夜

又  
甲子  
端午

過眼光陰駛憶垂髫留連節物逢場游戲初試練衣弄紉  
扇鬪綠萸蒲澗裏今髮白顏蒼如此父子蕭郎方用事怪  
先生苦死紉蘭芷君不樂欲何俟 頭標奪得羣兒兒喜向  
溪邊旁觀助譟嘆吾衰矣欲建鼓旗無氣力喚起龍泉改

委水心評余詩有建大將旗故非予執當之語但酒戶加封而已去秋禮霽余泰如三百戶

晚覺醉鄉差快活那獨醒公子真歎底聊洗淨笛箏耳

又二鶴

家有仙禽二早追隨先生杖履互鄉童子旦旦池邊三薰沐夜夜山中警睡且伴我人間游戲此老生平哀大陸到未稍始憶華亭唳評往事敗佳思古云鶴算誰能紀嘆歸來山川如故人民非是但願主君高飛去莫愛乘軒祿位更賽過令威千歲假使焦山真羽化待華陽貞逸銘方瘞我拍手渠展翅

洞仙歌癸亥生朝和居厚弟韻題請仙像

上林全樹曾借君栖宿朝過瑤臺莫羣玉忽翩然脫下宮錦袍來却向齊州受籙等閒揮醉筆歛唾千篇長興詩

家膏顏身是酒星文星剛被詩人喚做禁中頗牧便散  
髮騎鯨去何妨從我者誰與安期徐福

又和居厚弟韻

眇難攬鏡跛更難穿履賴有胡公菊潭水信醫言斷了重  
碧輕紅禁害殺不遣高吟大醉 古來稀七十多許多年  
贏得箋天致君事莫問客去門前金盞床頭留寶扇御書  
珍秘疇昔暮年乘崖老尚書到晚節依稀有些兒似

後村先生集

後村先生集

長短句五

八聲甘州 雁

物微生處遠往還來非但稻梁求似愛長安日怕陰山雪  
善自為謀箇裏幸無鳴鏑隨意占沙洲歸與何妨待風景  
和柔 昔到衡陽回去今隨陽避地徧海南頭與西川流  
寓彼此各淹留未得雲中消息登望鄉臺了又登樓江天  
濶幾行草字字字含愁

燭影搖紅

用林卿韻

拙者平生不曾乞得天孫巧那回忝扈屬車來豈是齊卿  
小此膝不曾屈了更休文腰難運掉前賢樣子表聖宜休  
申公告老 涼簟安眠絕勝倬直鈴聲攬集中大半是詩

詞幸沒潮州表月夕花朝嘆人間愁多樂少蓬萊有路辦  
個船兒逆風也到

祝英臺近

雨淒迷風料峭情緒被花惱白白紅紅滿地無人掃可堪  
解珮盟寒墜樓命薄更杜宇枝頭鬧綠影繞青帘結  
東匆匆轉眼朱明了怕與春辭茗芋玉川倒後期做明年  
春好却不道明年人老

最高樓

戊戌自壽

南嶽後累任作祠官試說與君看仙都玉局才交卸新銜  
又管華州山怪先生吟膽壯飲腸寬去歲擁旌旗稱太  
守今歲帶笭簞稱漫叟慵入惱慣投閒有時拂袖尋神放  
有時搗枕就陳搏任旁人嘲潦倒笑癡頑

又

題周登樂府

周郎後直數到清真君莫是前身八音相應諧韶樂一聲  
未了落梁塵笑而今輕郢客重巴人只少個綠珠橫玉  
笛更少個雪兒彈錦瑟欺賀晏壓黃秦可憐樵唱并菱曲  
不逢御手與龍巾且醉眠蓬底月甕間春

又

乙卯  
生日

吾衰矣百事且隨緣隻字不牋天幾曾三宿為歸計更  
一歲是希年記兒時聞祖父說隆乾我不與少年爭遇  
合你莫具老僧爭戒律顰面說垂肩錦袍奪去饒之間  
虎皮撒起待伊川剝空身無長物可飛仙

又

吾衰矣不慕勃燕然不愛畫凌烟此生慚愧支離叟何功

消受水衡錢錯教人占卦氣算流年 漫摘取野花簪一  
朵更揀取小詞填一個晞素髮煖丹田羅浮杖勝如旌節  
華陽巾不減貂蟬這先生非散聖即臞仙

又

辛亥後六請挂衣冠甲子始休官白駒恰則來空谷青牛  
早已出函關笑狂生還笏易上竿難也莫愛宮中請內  
相也莫愛堂中呼六丈但禱祝要癡頑懶揮玉斧重脩月  
不扶鐵拐會登山免飛昇長快活戲人間

又

臣少也豪舉泛星槎飄逸吐天葩穆陵誤將推儒宿龍泉  
曾喚做行家今耄矣文跌宕字麻嗟 同隊者多為公與  
相廣坐裏都無兄與丈生有限望猶奢補還瞎子重開卷

放教跛子出看花地行仙疑是汝不爭些

又

林中書  
生日

金閨彥荷蕢過山前把釣坐溪邊呼來每得天顏笑放歸  
猶作地行仙儘教人嗔避俗謗逃禪且絨了淳夫三妹  
口更袖了坡公三制手甯殿後不爭先小於衛武二十歲  
大於絳老兩三年這高名并上壽幾人全

風入松

福清道  
中作

泉臺夜斷夢初長別館淒涼細思二十年前事嘆人琴已  
矣俱亡改盡潘郎鬢髮銷殘荀令衣香多年布被冷如  
霜到處同床簫聲一去無消息但回首天海茫茫舊日風  
煙草樹而今總斷人腸

又  
同前



歸鞍尚欲小徘徊。逆境難排。人言酒是銷憂物，奈病餘辜負金壘。蕭瑟搗衣時候，淒涼鼓缶情懷。遠林搖落晚風哀。野店猶開。多情惟有燈前影，伴此翁同去同來。逆旅主人相問，今回老似前回。

又

癸卯至石塘追和十五年韻

殘更難睡抵年長。曉月淒涼。芙蓉院落深深閉，嘆芳卿今在何處。絕筆無求鳳曲，癡心有返魂香。起來休鏹鬢邊霜。半被堆床。定歸兜率蓬萊去，奈人間無路茫茫。緣斷漫三彈指，憂來欲九回腸。

又

攀翻宰樹暫徘徊。草草安排。昔人徒步陳雞絮，愧公家僕馬觥罍。華目舊愁滿目，黃梁殘夢傷懷。欲將莊列等歡

夜對卷牖開憑高指點虛無路問何年遶鶴歸來宿酒得  
風漸解小興待月同回

臨江仙

戊申和實之燈夕

玉笛鈿車當日事東塗西抹都曾聞曲子壓和凝曲公  
縱遊非草草已醉強醒醒從醒今向三家村送老身如龍講  
吳僧高樓百尺不須登半爐燒葉火一瓊勘書燈

又

縣圃種花

落魄長官江海客少豪萬里尋春而今憔悴白溪濱斷無  
觴詠興惟有簞書塵手插海棠三百本等閒粧點芳辰  
他年絳雪映雲丁甯風與月記取種花人

又

庚子重陽余以漕攝帥會前帥唐伯玉前漕黃成父於越王臺明年是日寓海鹽縣驛作

去歲越王臺上飲席間二客如龍憑高弔古壯懷同馬嘶

千嶂莫樂奏半天中。今歲三家村市裏，故人各自西東。  
菊花時節酒尊空。可憐雙雪鬢，禁得幾秋風。

又

湖惠道中

不見仙湖能幾日。塵沙變盡形容。夜來月冷露華濃。都忘  
節屋下，但記畫船中。兩岸綠陰猶未合，更須補竹添松。  
最憐幾樹木芙蓉。手栽才數尺，別後為誰紅。

浪淘沙

丁未生日

去歲詣公車。天語勤渠。絳紗玉斧照寒儒。恰似昔人曾夢  
到，帝所清都。骨相太清臞。謫墮須臾。今年黃勅換稱呼。  
只為此翁霜鬢禿，老中不書。

又

早歲類寒蛩。晚節遭逢。曾開黃卷侍重瞳。歸去青藜光照

牖階葉翻紅。出盡頗匆匆。主眷猶濃，除官全似紫陽翁。

寶文換個新街頭面改，又似包公。辭郡得小龍

又

紙帳素屏遮，全似僧家無端。霜月闌窗紗，喚起玉關征戍。  
夢幾疊寒筵。歲晚客天涯。短髮蒼華，今年衰似去年些。  
詩酒新來俱倚閣，孤負梅花。

又

疊嶂碧周遮，遊子思家掩藏。白髮賴烏紗，落日倚樓千萬。  
恨社鼓城笳。老去淡生涯。虛擲年華，臘茶孟子太清些。  
待得痴兒公事畢，謝了梅花。

又素馨

目力已茫茫，縫菊為囊論衡。何必帳中藏，却愛素馨清鼻。

觀採伴禪床 風露送新涼  
山麝開房旋吹銀燭閉華堂  
無奈紗厨遮不住一地聞香

### 鳳凰閣

元規端委得似幼輿邱壑人言此輩宜高閣幾載種天隨  
菊采龐公藥龍尾道難安汗脚 浮榮菌彘選甚庶官從  
索對床白子真佳作安用羨伊結駟欺懷羅爵呼便了沽  
來共酌

### 法駕導引

樵柯爛丹竈熟一跳出紅塵斗紫一雙龍奮勢帝青九萬  
里為程赤脚踏層雲 鞭驚上騎麟下彷彿覩崑崙酒馬  
繫泉蘇赤地翻蟾滴水漲滄溟笑殺惜仙人

一剪梅

袁州解印

陌上行人怪府公，還是詩窮還是文窮。下車上馬太匆匆，  
來是春風去是秋風。堦銜免得帶兵農，嬉到昏鐘睡到  
齋鐘。不消提嶽與知宮，喚作山翁喚作溪翁。

又

余赴廣東寶之  
夜餞於風亭

束縕宵行十里強，挑得詩囊拋了衣裳。天寒路滑馬蹄僵，  
元是王郎來送劉郎。酒酣耳熱說文章，驚隣牆推倒胡  
床。旁觀拍手笑踈狂，踈又何妨狂又何妨。

踏莎行

甲子重九牛山作

日月跳丸光陰脫兔，登臨不用深懷古。向來吹帽插花人，  
盡隨殘照西風去。老矣征衫飄然客路，炊煙三兩人家  
住。欲攜斗酒答秋光，山深無覓黃花處。

又

巧夕

驅鵲營橋呼蟾出海朝朝莫莫遙相望誰知風雨此時來  
銀河便有些波浪 玉兔迷離金雞嘲哢二星無語空惆  
悵元來升降也多魔天孫長怨牽牛曠

玉樓春

戲林推

年年躍馬長安市客舍似家家似寄青錢換酒日無何紅  
燭呼盧宵不寐 易挑錦婦機中字難得玉人心下事男  
兒西北有神州莫滴水西橋畔泪

鵲橋仙

戊戌生朝

金風淅淅銀河淡淡長少羣賢畢會平生心事麴生知怪  
此夕惺惺相對 元立花生眼新霜點鬢不肯遮藏老態人  
間何處有仙方擘劃特二三百歲

又

桃巷弟生日

御屏錄了冰銜換了酷似香山居士草堂丹竈其留他且  
領取忠州刺史移來芳樹摘來珍果書壓來禽青李三  
千年一薦金盤又不是元都栽底

又答挑卷  
弟和篇

閣中芸冷觀中挑謝誰問貞元朝士吾宗一語好書紳但  
記取毋汙青史知幾告張說語不交王勃不效田竇也不朋他

牛李平章此去是何人似洛社戴花舞底

又林侍郎  
生日

出通明殿入耆英社狂似侍郎洪福掌中元自有三珠更  
檢校諸孫夜讀管他萊相管他鶴相留我本來面目希  
夷一枕未曾醒笑人世幾回翻局

又居厚弟  
生日



俱登瀛館俱還洛社各自健如黃犢不消外監與留臺也  
不要嵩山崇福 我如原父君如貢父且把漢書重讀韓  
公當局等閒過又看到溫公當局

又

鄉守趙丞  
相生日

去年無麥今年多稼盡是君侯心地向來寺寺總拘樁今  
有不拘樁底事 省倉展日米場鑄價萬落千村蒙惠更  
將補納放寬些便是個西京循吏

又

庚申  
生日

香芸辟蠹青藜燭閣天上寶書萬軸前回讀得朱精詳更  
罰走一遭重讀 松風如故丹爐如故坐閱人間陵谷回  
頭調戲竊桃兒且甯耐等他桃熟

又足痛

有時塊坐有時扶起門外草深三尺山禽肯喚我為哥白  
白道哥行不得此兒害跛羣兒拍手次第加公九錫不  
消長塵短轅車但乞取一枝鶴膝

又

生日和  
居厚弟

女孫笄珥男孫袍笏少長今朝咸集且留晚節伴寒香莫  
要似春華性急大招吟了巫咸下了未愛脩門重入我  
僕不做佛漳闕免大雪庭中默立

又

林卿  
生日

一封奏御九重知已不假吹嘘送上從今穩穩到蓬萊三  
萬里沒些風浪臣年雖老臣卿尚少一片丹心葵向何  
須遠比駱賓王且做取本朝种放

又

居厚  
生日

我如龔勝君如龔舍拂袖同歸鄉里共騎竹馬有誰存  
喚入耆英社裏 蒼華髮神尚黑黃婆神方旺爭問翁年今  
幾一門兩個道人星直看見孫兒生子

又

鄉守趙計  
院生日

蒲鞭漸弛銘簡漸少安用知他 從今也莫察淵魚做  
到不忍欺田地 四民香火五營笳吹來獻一杯壽酒大  
家贊祝太夫人長伴取魯侯燕喜

柳梢

賀方聽  
姓八十

中白苛留綺園浪出老不知羞輸與先生一枝鶴膝一領  
羊裘 便教賜履營邱爭似把魚竿到頭冷落磻溪張皇  
牧野著甚來由

鷓鴣天

腹疾因睡和  
朱希真韻

前度看花白髮郎。平生痼疾是清狂。幸然無事汗青史。省  
得教人奏赤章。遊俠窟。少年場。輸他羣謝與諸王。居人  
不識庚桑楚。弟子誰從魏伯陽。

又  
蘇題周  
登樂府

詩變齊梁體已澆。香奩新製出唐朝。紛紛競奏桑間曲。寂  
寂誰知爨下焦。揮彩筆。展紅綃。十分峭措稱妖嬈。可憐  
才子如公瑾。未有佳人敵小喬。

卜算子  
惜海  
棠

盡是手成持。合得天饒惜。風雨於花有底憑。著意相陵藉。  
做暖逼教開。做冷催教謝。不負明年花下人。只負栽花  
者。

又

片片蝶衣輕。點點猩紅小。道是天公不識花。百種千般巧。  
朝見樹頭繁。莫見枝頭少。道是天公果惜花。雨洗風吹

又

亂似蠶中絲。密似風中絮。行遍茫茫禹迹來。底是無愁處。  
好客挽難留。俗事推難去。惟有翻身入醉鄉。愁欲來無  
路

又良翁禮部生日

開閣廣延賢。負宸勤求舊。應念南宮老舍人。閒抽絲綸手。  
兩刺必當仁。五福無過壽。且喜新年不要天。要開元  
祐

又曹守生朝十  
二月初六日

東甯簪兒南國循良守先把爐熏祝帝堯次祝君侯壽  
廣致米商船多釀兵厨酒客有鬚眉似蓋延許至華堂  
否

又燕

已怪社愆期尚喜巢如故過了清明未肯來莫被春寒誤  
常傍畫簷飛忽委空梁去忘却王家與謝家別有啣泥  
處

又茉莉

老圃獻花來異域移根至相對炎官火織中便有清涼意  
淡薄古梳粧嫵雅仙標致欲起浩翁再品花壓了山礬  
弟

朝天子

宿雨頻飄洒，歡喜殺西疇耕者。終朝連夜有珠璣，鳴瓦漸白水。青秧鷗鷺下，老學種花兼學稼。心兩掛這幾樹海棠，休也。

清平樂

五月十五日玩月

纖雲掃迹，萬頃玻璃色。醉跨玉龍遊八極，歷歷天青海碧。水晶宮殿飄香，羣仙方奏霓裳。消得幾多風露，變教人世清涼。

又

風高浪快，萬里騎蟾背。曾識嫦娥真體態，素面元無粉黛。身遊銀闕珠宮，俯看積氣濛濛。醉裏偶搖桂樹，人間喚作涼風。

又

贈陳參議師文侍兒

宮腰束素，只怕能輕舉。好築避風臺，護取莫遣驚鴻飛去。  
一國香玉溫柔笑，俱有風流貪與蕭郎眉語。不知舞  
錯伊州。

又

丹陽舟中作

休彈別鶴，淚與絃俱落。歡事中年如水，薄懷抱那堪作惡。  
昨宵月露高樓，今朝煙雨孤舟。除是無身方了，有身長  
有閑愁。

又

居厚弟生日

冰輪萬里雲卷天如洗。先向海山生大士。却誕卯金之子。  
冰盆荔子堪嘗，膽瓶茉莉尤香。震旦人人炎熱，補陀夜  
夜清涼。

又

居厚弟生日



人間喘汗無計翻銀漢有個玉人來震旦燕坐補陀巖畔  
吾聞福壽難量待看海底生桑乞取淨瓶一滴普教大  
地清涼

好事近

壬戌生日  
和居厚弟

老不計生朝慚愧阿連書尺雪鬢霜髭不管管眼腰黃赤  
待將心事自箋天莫費公力乞賜先生處士換一張  
黃勅

菩薩蠻

戲林  
推

小鬟解事高烧燭羣花圍繞樗蒲局道是五陵兒風騷滿  
肚皮玉鞭鞭玉馬戲走章臺下笑煞灞橋翁騎驢風雪  
中

憶秦娥

莫春

遊人絕綠陰滿野芳菲點芳菲歇養蠶天氣採茶時節  
枝頭杜宇啼成血陌頭楊柳吹成雪吹成雪淡煙微雨江  
南三月

又上巳

脩禊節晉人風味終然別終然別當時賓主至今清絕  
時用寫就蘭亭帖豈知留與人間說人間說永和之歲暮春之  
月

又

泥滑滑一聲齊喚征鞍發征鞍發客亭楊柳不禁攀折  
荀郎衣上香初歇蕭郎心下書難說書難說霎時吹散一  
生愁絕

又

春醲薄夢中羈馬豪如昨豪如昨日月明橫笛曉寒吹角  
古來成敗難描摸而今却悔當時錯當時錯鐵衣猶在不  
堪重著

又

梅謝了塞垣凍解鴻歸早鴻歸早憑依問訊大梁遺老  
浙河西面邊聲悄淮河北去炊煙少炊煙少宣和宮殿冷  
煙衰草

西江月

腰痛舊傳陳後齋  
名方歲久失之

思邈方書去失休文老病來攻新年筋力太龍鍾腰鐵  
貓兒重雅拜怎生擔笏徐行也要扶筇田翁

赤兒

後村先生集